

दिनांक 12.07.2025

समय: 18.45 बजे

आकाशवाणी जयपुर-अजमेर

प्रादेशिक समाचार

- प्रधानमंत्री नरेन्द्र मोदी नौजवानों की क्षमता ने भारत का भविष्य खाते सब ऊँ बड़ी पूँजी बताया—रोजगार मेला माँय 51 हजार नियुक्ति पत्र दीनां
- उपराष्ट्रपति जगदीप धनखड़ कोचिंग सेंटर्स की बढ़ती संख्या ने गंभीर संकट बताता थाकां इण सूँ निपटबा की ज़रूरत माथे ज़ोर दियां
- राज्य माँय गंभीर बीमारी का रोगियां खाते पैली बगत होम बेस्ड केयर यानि घर पर देखभाल सेवा की सुरूआत व्हीं
- मौसम महकमो आज बारां, झालावाड़, राजसमंद, सिरोही अर उदयपुर माँय जोरदार मेह रो ऑरेंज अलर्ट अर 27 जिलां माँय येलो अलर्ट जारी करयां

000

प्रधानमंत्री नरेंद्र मोदी कया के युवावां की क्षमता भारत का भविष्य की सब ऊँ बड़ी पूँजी हैं रोजगार मेला युवावां ने मजबूत बणावण अर विकसित भारत का निर्माण माँय वां की भागीदारी खाते सरकार की प्रतिबद्धता ने दर्शावे हैं प्रधानमंत्री आज वीडियो कॉन्फ्रेंसिंग रे जरिये न्यारा—न्यारा सरकारी महकमा माँय 51 हजार सूँ बत्ता नौजवानां ने नियुक्ति पत्र देबा रे पछे रोजगार मेला माँय बोल रिया हां वे कया के सरकार एक लाख करोड़ रूपया आवंटित कर निजी हलका माँय रोजगार प्रोत्साहन योजना ने मंजूरी दी हैं प्रधानमंत्री कया के लोकतंत्र अर मानवीय संसाधन देश की मजबूत ताकत हैं

.....
16वाँ रोजगार मेला देशभर की 47 ठोडां माथे राख्यो गयो प्रदेश माँय जयपुर, अजमेर, बीकानेर अर जोधपुर माँय ये मेला व्हींयां जयपुर माँय केन्द्रीय मंत्री भूपेन्द्र यादव, बीकानेर माँय अर्जुनराम मेघवाल, अजमेर माँय केन्द्रीय कृषि राज्यमंत्री भागीरथ चौधरी नियुक्ति पत्र दीनां वठी ने जोधपुर माँय केन्द्रीय मंत्री गजेन्द्र सिंह शेखावत नियुक्ति पत्र दे र मोट्यारा ने बधाई दीं खबरनवीस सूँ बातचीत माँय श्री शेखावत कया के रोजगार मेला रे जरिए लाखों की तादाद माँय नौजवानां ने नौकरियां मिली हैं

.....
रोजगार मेला रे दौरान नियुक्ति पत्र मिलबा वाळा मोट्यारा माँय घणो उच्छाव निजर आयो वणा इण पहल खाते सरकार रो आभार जतायो इण रे सागे ही वणा राष्ट्र निर्माण खाते ईमानदारी सूँ काम करबा की बात कहीं

.....
.....
.....

000

उपराष्ट्रपति जगदीप धनखड़ कोचिंग सेंटर्स की बढ़ती संख्या ने गंभीर संकट बताया वे कया के या स्थिति चिंता रो विषय हैं इण सूँ निपटणो पडेलानो उपराष्ट्रपति कया के नम्बरां की होड़ सूँ केई भांत की मनोवैज्ञानिक समस्यावां व्हे सके हैं उपराष्ट्रपति आज कोटा का ट्रिपल आईटी का दीक्षांत जळसा माँय बोल रिया हां वे कया के युवा म्हाका देश रो खजानो हैं

श्री धनखड़ युवावां सून नौकरी करबा री ठोड़ रुजगार देबा वाळा बणबा ने कयां वे कया के ओ दीक्षांत शिक्षा रो अंत नी है, वे कया के म्हाने जीवनभर सीखबा कोशिश करणी चाहिजें

जळसा मांय राज्यपाल हरिभाऊ बागडे पढणियां सून शोध माथे ध्यान देबा ने कयां वे कयो के ज्ञान रो इस्तेमाल सगळा लोगां रा हित खातर करणो चाहिजें

कार्यक्रम मांय 189 पढणियां ने उपाधियां दी गई बीटेक अर एमटेक मांय अव्वल दो पढणियां ने सोना रा तमगा दिया गयां

000

प्रदेश मांय 'राइजिंग राजस्थान' निवेश सम्मेलन रे तैत व्हीया समझौता ने पूरो करबा खातर मिशन मोड माथे कोशिश करी जा री हैं एमओयू क्रियान्वयन री समीक्षा रे वास्ते तीन स्तर री व्यवस्था करी गई हैं इण रे तैत एक हजार करोड़ रुपया सून बत्ता री रकम वाळा एमओयू री प्रगति री जाणकारी मुख्यमंत्री भजनलाल शर्मा हर म्हीना ले रिया हैं सम्मेलन रे दौरान व्ही करीब 35 लाख करोड़ रुपया रा निवेश समझौता मांय सून अब ताई 4 लाख करोड़ रुपया सून बत्ता रा एमओयू री ग्राउंड ब्रेकिंग व्हे चुकी हैं अक्षय ऊर्जा आधारित परियोजनावां माथे भी सरकार खास ध्यान दे री हैं इण खातर छह हजार मेगावाट आवर री बैट्री ऊर्जा भंडारण प्रणाली विकसित करी जा री हैं

000

राज्य मांय गंभीर बीमारियां सून पीड़ित रोगियां खातर पहली बगत होम बेस्ड केयर यानि घर पर ही देखभाल री सुरुआत करी गई हैं कैबिनेट मंत्री जोराराम कुमावत इण खातर विशेष वाहन ने हरी झंडी दिखार पाली सून इण पहल री सुरुआत करीं सीएमएचओ डॉ. विकास मारवाल बताया के राष्ट्रीय पैलिएटिव केयर कार्यक्रम रा तैत या सुरुआत करी गई हैं इण वाहन सून प्रशिक्षित चिकित्साकर्मियां री टीम मरीजां रे घरां जा र वां री देखभाल करेलां इण पहल सून गंभीर बीमारियां सून पीड़ित उण रोगियां ने बत्तो फायदो होवेला, जो सफाखाना नी जा सके हैं वे कया के दूजा जिलां मांय भी या सेवा बेगी ई सुरु करी जावेलां

000

खाद्य मंत्री सुमित गोदारा आज श्रीगंगानगर दौरा माथे रियां वणा रसद महकमा रा अहलकारां रे सागे बैठक करीं इण दौरान श्री गोदारा कया के अहलकारां ने नियमित रूप ऊं हलका रो दौरा कर गिवअप अभियान खातर लोगां ने जागरूक करणो चाहिजें वे कया के इण खातर उचित मूल्य रा दुकानदारां सून बातचीत करणी चाहिजे अर 31 अगस्त ताई बत्ता लोगां ने वां री राजी सून नाम हटाबा ने कहणा चाहिजें

000

अजमेर मांय राष्ट्रीय राजमार्ग-48 माथे आज एक हादसा मांय एक छात्र री मौत व्हे गयी अर आठ टाबर गंभीर रूप ऊं घायल व्हे ग्यां दुर्घटना विजयनगर रे कने स्कूल बस अर निजी बस रे बीचे टक्कर सून व्हीं विजयनगर थाना प्रभारी करण सिंह खंगारोत बताया के हादसो ओवरटेक करबा री वजह सून व्हीयो वठी ने जयपुर-दिल्ली राजमार्ग माथे रोडवेज बस अर कंटेनर री टक्कर मांय बस मांय सवार 12 यात्री घायल व्हे ग्यां हादसो बहरोड़ हलका रा दादा की ढसणी रे कने व्हीयो घायलां ने बहरोड़ रा सरकारी सफाखाना मांय भर्ती करायो गयो हैं

000

हनुमानगढ़ जिला रो थापना दिवस आज केई भांत री गतिविधियां रे सागे जळसा रा रूप मांय मनायो जा रियो हैं सुंवारे रन फॉर हनुमानगढ़ व्हीं इण रे पाछे पढणियां ने ऐतिहासिक ठोडां ने देखबा ले जायो गयो थापना दिवस रे मौके वुशू समेत केई होडां भी राखी गईं

000

राज्य रा बत्ता हलकां मांय आवता एक हफ्ता ताई चौमासा रो मेह बरसेलां कुछेक ठोडां मांय भारी बारिश व्हे सके हैं मौसम महकमो आज बारां, झालावाड़, राजसमंद, सिरोही अर उदयपुर मांय तेज बारिश रो ऑरेंज अलर्ट अर 27 जिलां मांय येलो अलर्ट जारी करयो हैं मौसम केन्द्र, जयपुर रा निदेशक राधेश्याम शर्मा बताया के जोधपुर संभाग मांय आवता तीन दिनां मांय कठे-कठे भारी बिरखा अर जयपुर अर भरतपुर संभाग रा कुछेक हलकां मांय हल्को मेह बरस सके हैं

.....
 इण बीच प्रदेश रा जल स्त्रोतां मांय करीब 58 फीसदी पाणी री आवक व्हे चुकी हैं छोटा-बड़ा 693 बांधां मांय सूं 76 लबालब भर्या हैं वठी ने 406 बांध थोड़ा घणा ही भरया हैं

000

प्रदेश मांय हरियाली बढ़ाबा खातर चौमासा रे चालता बड़ी तादाद मांय पेड-पौधा लगाया जा रिया हैं सामाजिक संगठन, शिक्षण संस्थानां अर दफतरां मांय पौधरोपण री मुहिम जारी हैं हरियाळो राजस्थान अभियान रे तैत बाडमेर रा रतासर मांय आज स्कूली टाबर पौधा लगा र पर्यावरण ने बचाबा रो संदेश दियां वठी ने बालोतरा रा असाड़ा मांय प्राथमिक स्वास्थ्य केन्द्र माथे पौधा लगाया गयां पाली रा हेमावास गांव री गौशाला मांय पौधरोपण अभियान सुरू कर्यो गयो बांसवाड़ा रा अमरथून मांय भी बड़ी संख्या मांय पढणियां पौधरोपण कार्यक्रम मांय शामिल व्हीयां

000

केन्द्रीय महिला अर बाल विकास मंत्रालय री क्षेत्रीय बैठक आज गुजरात रा केवड़िया मांय व्हीं केन्द्रीय महिला अर बाल विकास मंत्री अन्नपूर्णा देवी इण री अगुवाई करीं बैठक मांय राजस्थान समेत चार राज्यां अर दो केन्द्र शासित प्रदेशां रा मंत्री अर आला अधिकारी भाग लीनां इण मांय महिला सशक्तिकरण, बाल संरक्षण अर समावेशी विकास बाबत् चर्चा करीं इण रे साथे ही सेवा वितरण, डिजिटल समावेशन और नई तकनीक के उपयोग तथा नीतिगत विषयां माथे चर्चा करी गई

000